



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Consolator Fidelis Et Proficientis Animæ seu
Exhortatiunculæ Spirituales Et Succinctæ In singulas
Dominicas & Festa anni divisæ, quibûs Confessarius in S.
tribunali animam Deum verè quærentem paternè ...**

Eisvogel, Veremund

Augustae Vindelic., 1727

Oratio Patrum spiritualium Pro Impetrando spiritu sapentiæ & prudentiæ
in regimine animarum.

[urn:nbn:de:hbz:466:1-52716](https://nbn-resolving.org/urn:nbn:de:hbz:466:1-52716)

Præparatio

ORATIO

Patrum spiritualium

Pro

Impetrando spiritu sapientiæ,
& prudentiæ in regimine
animarum.

DEus Patrum meorum, &
Domine multæ miseri-
cordiæ, qui fecisti omnia ver-
bô tuô, & infinitâ sapientiâ con-
stituisti hominem, ut domina-
retur creaturæ, quæ ad imagi-
nem tui à te facta est; tu elegisti
me ducem, & Pastorem huic
gregi tuo, parvo quidem, sed
electo. Et ecce! ego servus
tuus, & filius ancillæ tuæ, ho-
mo infirmus sum, & exigui tem-
poris, minôrque ad intelle-
ctum iudicii, & legum. Tecum
verò est sapientia tua, quæ novit
opera tua; & adfuit tunc, cùm
orbem terrarum faceres, & scie-
bat, quid esset placitum oculis
tuis, & quid directum in præ-
ceptis

pro filiis Spiritualibus.

ceptis tuis. Da mihi sedium
tuarum assistricem Sapientiam!
Et noli me reprobare à servis
tuis; quoniam & ego servus
sum, & opus manuum tuarum
omnes nos. Mitte illam de cœ-
lis sanctis tuis, & à sede magni-
tudinis tuæ, ut mecum sit, &
mecum laboret; ut sciam, quic
acceptum sit apud te, & dedu-
cat me in operibus meis sobriè,
& custodiat me in tua potentia,
ut sint placita opera mea, &
disponam hunc populum tuum
iustè, prudenter, & sanctè. Sen-
sum enim tuum nemo scit, nisi
tu dederis sapientiam, & miseris
spiritum tuum de Altissimis, &
sic corrigantur semitæ eorum,
qui sunt in terris, & quæ tibi
placent, didicerint homines,
Nam cogitationes mortalium
timidæ, & incertæ sunt provi-
dentia nostræ. Domine! tu scis:
an hos spirituales filios Regni
dilectionis tuæ prædestinaveris
à prin-

Confortamenta pro filiis &c.

à principio. Si cui sunt, ego pro
eis rogo, sanctifica, & salva eos
in Nomine sancto tuo. Crescant
in laboribus meis; foecundentur
autem, & fructificent in benedi-
ctionibus tuis. Sit, & fiat in eis
voluntas tua, & exercentur
cum gaudio in justificationibus
tuis; quoniam gloria virtutis eo-
rum tu es; & in beneplacito tuo
exaltabitur cornu nostrum.
Uttere autem Deus meus! Opera
mea, & voluntatem tuam perfice
in conatibus meis. Fac me vi-
rum dexteræ tuæ! & custodi
me, ne deficiam aliquando in-
obedientia mea. Tu interim age,
ut ex his, quos dedisti mihi, non
perdam quemquam. Ah! Do-
mine Jesu! per illa quinque SS.
vulnera, quæ amor nostrum ti-
bi inflixit in Cruce, quæsumus,
tuis famulis subveni, quos pre-
tioso Sanguine redemisti.

Amen.

Acces-